

僑居縣志卷之二十六

詩詞下

宋

陳襄

字述古侯官人慶曆間除邑令爰民禮士營黌宮立社學政治優異擢侍御史終樞密直

韋羌山

昔年曾覽韋羌圖云有仙人古篆書千尺斷崖無路到不知斟酌事何如

初之樂安述作懷

水逐雲根動山縈馬首青下車蓬繞膝拂几鳥窺櫺

僑居縣志

卷二十六

詩詞下

吏老鶉衣結民貧菜色眞瘡痍傷未起矧忍賣邦刑

劉光

字襲明紹聖間爲本邑令政務簡惠陞本府刺史晉秩朝請大夫詳見一統志

括蒼洞

古洞藏真不記年蒼崖翠壁故依然惟來一夜清無

夢身在仙家第十天

題仙居

安州山水自巉絕徃徃聲高壓東越三溪遠從天上

來十洞夔與人間別紫籙修峯半雲雨韋羌怪石藏

日月地靈應毓不世英人瑞何年起豪杰我來正值

西風高晴空萬里分秋毫山明波淡快心目登臨不

覺筋骨勞

郭三益 元符間為邑令恩威兼修上民愛戴有傳

綠筠軒

道人棲碧山雲居在崖曲十年海潮音黃梁夢已熟
更尋妙高頂超然卜幽築古木挿空青寒筠抱岩綠
時攜貝葉書步入溪林讀芟衣冷蕭條靜對含烟玉
宵眠護禪虎晝引啣花鹿悠悠得三昧浣靜貪噴毒
何當脫雙鳧藜杖追高躅

楊 宓 大觀元年任邑令

東山亭

僊居縣志

卷二十六

詩詞下

二

醉後愁生任數奇僧牕借夢入新詩覺來着意尋桃
李除了春風總不知

楊 筠 紹興間為邑令重修學宮以苴聞

前山亭

水縛山腰點萬松雲扶翠岫挿天空此溪定入桃源
去時見波間有落紅

杜師旦 紹興十九年知縣事建安樂堂

蒼嶺

休嗟道險未堪行却到層巒足較輕山險還如心險
否心平履險險仍平

劉禹昭

過蒼嶺

盡日行方半諸山直下看輕雲隨步起老徑極天盤
瀑頂橋形小溪邊店影寒往來空太息白髮改非難
胡經仲

殊勝寺和孟戎幕

不是等閒到須知會合稀水行清骨髮雲臥冷裳衣
桐掛秋陰薄松寒露氣肥其吟有佳致何苦只言歸
葉翥 紹興三十一年為邑尉

至元軒

儒居縣志

卷二十六

詩詞下

三

出郭纔咫尺便覺山意幽招提立絕頂寶塔凌空浮
小軒足娛客下有清溪流翠岫供遠眺平沙馴白鷗
人稀日停午野渡橫孤舟坐久意逾爽吹袂風颼颼
簿書鞅掌餘恍若脫羈囚登覽得佳境寧辭信宿留
平生持素心一壑與一丘淵明道自高逝肯屈督郵
朱熹 字元晦謚文公新安人淳熙辛丑提舉浙東
常平茶鹽癸卯主管台州崇道觀累官至待
制贈寶謨閣直學士
和吳明可學士

吳公抱經濟軒冕非所忻向來清禁閤原自山林人
欲辭青鎖神交逸何因一朝脫冠去妙境聊同臻

謂予雖後來臭味亦有間賢詞久見屬重以語殷勤
荒寒想高風令人思無隣其棠矧在此蹲踞晴湖濱

挽張詛中

憶忝觀風寄登堂識老成忘年見交誼把酒話詩情
別去惟三載書來忽九京迴思憑檻語忍遽勤公銘

挽陳提刑庸

憶昔都門道光華辱宰鄉町疇治鹽筴織悉見民情
一別驚時論三年想頌聲祇今空老淚難使濁河清

哭吳康肅

粵自辭神武超然絕世紛前身疏太傅今代范忠文

僊居縣志

卷二十六

詩詞下

四

隴樹寒留日湖波冷浸雲懸知千載下此地想遺芬
聖宗皇帝

贈郭嘉卿

袖手長才世路輕愛閒那肯鬻榮名掛冠便欲辭丹
闕策杖還歸老赤城意適不論三仕喜家傳惟有十
分清林間繼一真恬淡好向廉泉自濯纓

元

曹

質

皇慶元年除本縣尹清廉悋悌加意作人與
前尹趙敏中並著聲績父老至今思之

登齊清樓

爲愛青山好凭欄得到溪泉聲清萬壑鶯色聳千尋

隱迹宜高引登臨稱短吟孤雲應似我出岫本無心

鄭錄勳

字子贊順天豐潤人康熙三年除本邑令蒞任一十八年政尚寬恤籲捐荒稅重建費宮

墾員外郎丁

外艱解職

載酒同張聚五朱羽皇應亮媯李映先張子碩

木口賞李花

舟橫春水綠馬逐曉山青玉樹迷南浦羅筵傍北陘
光凝星聚井影動雀梳翎素心梅遜白練色雪添馨
姑射凌波冷霓裳試舞娉相攜看不倦命酒劇偏醒
何必窮三島蓬萊在此汀

徐應昌

字言卿武義人康熙十八年任本邑訓導

倦居縣志

卷二十六

詩詞下

五

冒暑送童子試宿白水鎮遇雨買舟之郡

溘面風塵老未休壯懷止付雨雲浮祝融不補寒
暖短棹誰教破浪游白水牀頭方外夢赤城山下宦
途憂無心人惹多心苦溪媿沙鷗別浦秋